

ALAHADY 08 JIONA 2025

FOTOAM-PIVAVAHANA SY FANDRAISANA NY FANASAN'NY TOMPO

PENTEKOSTRA 2025

- Feon'orga

- Antoko Mpihira

FIFAMPIARAHABANA - FIANTSOANA

- Hira : FFPM 194,2-3 ("*Ry Zanak'ondry Masina !*")

- Vavaka fihaonana

SITRAPON'ANDRIAMANITRA

FIAIKEN-KELOKA

Mpitarika : (Vavaka)

Fiangonana : « RY RAINAY BE FAMINDRAM-PO Ô, MITALAHO AMINAO IZAHAY ; MAMELÀ NY HELOKAY ; DIOVY IZAHAY HO AFA-PAHOTANA ; FFPM IZAHAY HO AFA-KELOKA ; ARY HAVAOZY NY FANAHAHINAY MBA HO VONON-KANOMPO ANAO. NY FITIAVAN'I JESOSY KRISTY ZANAKAO MPAMONJY ANAY NO ANGATAHANAY AMINAO. AMENA. »

- Hira : FFPM 181,1-2 ("*Fanahy Mpanazava anay !*")

TENY FAMELAN-KELOKA SY FIHAVANANA

Mpitarika : (Teny famelan-keloka)

Fiangonana : **AMEN**

FANKALAZANA

Mpitarika : **VONINAHITRA ANY AMIN'NY AVO INDRINDRA HO AN'ANDRIAMANITRA**

Fiangonana : **ARY FIADANANA HO ETY AMBONIN'NY TANY AMIN'NY OLONA ANKASITRAHANY.**

- Hira : FFPM 545,1-3 (*Endrey izany hafaliana !*)

FAMAKIANA NY TENIN'ANDRIAMANITRA

- Hira : FFPM 191,1 (Ny Teny sy Fanahinao)

Mpitarika: *HO AMINAREO ANIE NY TOMPO*

Fiangonana : *ARY HO AMIN'NY FANAHINAO*

Mpitarika : Vavaka noho ny Teny

- VAKITENY VOALOHANY : Asan'ny Apostoly 2¹⁻¹¹

- EPISTILY : Romana 8⁸⁻¹⁷

- FILAZANTSARA : Jaona 14¹⁵⁻²⁶

Fiangonana: *ISAORANA ANIE NY TOMPO NOHO NY FILAZANTSARA !*

FANEKEM-PINOANA

- Hira : FFPM 2,3 (Dia ampitombo ny sainay!)

TORITENY

- Feon'orga

- Antoko Mpihira

FANDRAISANA NY FANASAN'NY TOMPO

- Hira : FFPM 107,1 (Maniry mafy aho, ry Jeso Tompo ô !)

Mpitarika : HO AMINAREO ANIE NY TOMPO ! AOKA HIZARA NY FIADANANA ISIKA

Fiangonana : HO AMINAO ANIE NY TOMPO !

: ARY HO AMINAO KOA

- Sursum Corda (*Mitsangana*)

Mpitarika: ASANDRATO NY FONAREO HO EO AMIN'NY TOMPO

Fiangonana: ASANDRATRAY NY FONAY HO EO AMIN'NY TOMPO

Mpitarika: AOKA HO DERAINTSIKA NY TOMPO ANDRIAMANITRA

Fiangonana: MENDRIKA HO DERAINE IZY

Préface (*Mitsangana*)

Mpitarika : ENY TOKOA TOMPO ô, RAY MASINA, ANDRIAMANITRA MANDRAKIZAY, MAHEFA NY ZAVATRA REHETRA, METY SY MAHAVONJY NY ISAORANAY ANAO AMIN'NY FOTOANA REHETRA SY AMIN'NY TOERANA REHETRA AMIN'NY ALALAN'I JESOA KRISTY TOMPONAY, IZAY TIA ANAY SY NANOLO-TENA HAMONJY ANAY ; AMIN'NY ALALANY KOA NO IDERAN'NY ANJELY NY FIANDRIANANAO SY ITSAOHAN'NY FANAPAHANA SY

NY FAHEFANA REHETRA ANAO AMIN'NY TAHOTRA ARY IARAHAN'NY FIANGONANA ANY AN-DANITRA SY ETY AN-TANY MIDERA NY ANARANAO AMIN'NY FIOBIANA ARY IZAHAY KOA ANKEHITRINY MIARA-MANANDRATRA NY FEONAY AMINY, KA AMIN'NY FANAJANA LEHIBE NO IDERANAY HOE :

- Hira: Antema 1 (Sanctus)

Masina ! Masina ! Masina Jehovah Tompo ! Feno ny voninahitrao izao rehetra izao ry Tompo ô ! Amena

Vavaka (Fisaorana, Anamnèse, Epiclèse) (Mipetraka)

Mpitarika:

RY KRISTIANA MALALA, AOKA ISIKA HAHATSIARO AN'I JESOA KRISTY IZAY MATY NISOLO ANTSIKA SY NITSANGANA HO FANAMARINANA ANTSIKA, DIA FANATI-PIHAVANANA NATOLOTR'ANDRIAMANITRA ANTSIKA, ARY AOKA ISIKA HIARA-MISAOTRA SY HIVAVAKA :MISAOTRA ANAO IZAHAY ANDRIAMANITRA RAINAY, TOMPON'NY LANITRA SY NY TANY, FA NOHO NY FAMINDRAM-PONAO AMINAY MPANOTA MAHANTRA, DIA NOMENAO NY ZANAKAO LAHY TOKANA, MBA TSY HO VERY IZAY REHETRA MINO AZY FA HANANA FIAINANA MANDRAKIZAY.

Fiangonana :

EFA MATY KRISTY, EFA NITSANGANA KRISTY ARY HO AVY AMIM-BONINAHITRA.

Mpitarika: NOHO IZANY RY TOMPO, RAINAY ANY AN-DANITRA Ô, INDRETO IZAHAY MANAO ETO ANATREHANAO NY fahatsiarovana ny fahatongavan'ny Zanakao ho olona, ny fijaliany sy ny fahafatesany, ny fitsanganany tamin'ny maty ary ny fiakarany tamim-boninahitra sy ny fifonany mandrakizay ho anay, ka miandry sy mitalaho ny fiverenany izahay.

Fiangonana :

AMENA, AVIA JESOA TOMPO !

Mpitarika: ANKEHITRINY, RAY Ô, AIDINO NY FANAHY MASINA MBA HAMENO NY FONAY KA HANDRAISANAY TOKOA NY Tomponay amin'ny finoana velona amin'izao izy manatona anay amin'izao fanasana izao. Fa ny Fanahy Masina no aharianao, amelomanao, anamasinanao ary anomezanao anay ny zava-tsoa rehetra.

Fiangonana :

AMENA, AVIA FANAHY MASINA !

Mpitarika: MISAOTRA ANAO IZAHAY RY JESO KRISTY TOMPO Ô ! MIDERA NY ANARANAO IZAHAY RY ZANAK'ANDRIAMANITRA LAHY TOKANA MPAMONJY ANAY !ANKALAZAINA ANIE HIANAO NOHO NY FITIAVANAO IZAY MAHERY NOHO NY FAHAFATESANA.ARY IZAHAY IZAY TONGA ETO ANATREHANAO HIOMBONA AMIN'NY LATABATRAO DIA MANGATAKA MBA HAMPIRAISONAO AMINAO, OHATRIN'NY SAMPANA AMIN'NY VOALOBOKA.AMPIANARO HIFANKATIA TAHAKA NY NITIAVANAO ANAY IZAHAY, ARY AOKA IZAHAY HIARA-MANANA AMIN'NY FIANGONANA MASINA MANONTOLO NY FIONONANA SY NY FIFALIANA AMINAO, DIA HIANAO IZAY MIARA-MANJAKA AMIN'NY RAY SY NY FANAHY MASINA HATRAMIN'NY TALOHA INDRINDRA KA HO MANDRAKIZAY.

Fiangonana : AMENA !

Teny Fanorenana sy Fanamasinana (Mitsangana)

Mpitarika: JESO KRISTY TOMPO TAMIN'NY ALINA IZAY NAMADIHANA AZY DIA NANDRAY NY MOFO, ARY REHEFA NISAOTRA IZY DIA NOVAKIANY KA HOY IZY :« RAISO, HANO, ITY NY TENAKO IZAY OMENA HO ANAREO, IZAO NO ATAOVY HO FAHATSIAROVANA AHY. »

ARY TOY IZANY KOA NY KAPOAKA REHEFA NIHINANA, DIA HOY IZY :« MISOTROA AMIN'ITY HIANAREO REHETRA, FA ITY NO RAKO DIA NY AMIN'NY FANEKENA VAOVAO IZAY ALATSAKA HO AN'NY REHETRA HO FAMELAN-KELOKA. KOA NA OVIANA NA OVIANA NO MISOTRO HIANAREO, DIA IZAO NO ATAOVY HO FAHATSIAROVANA AHY. »MISAOTRA NY RAY, IZAY NAMPAHAMENDRIKA ANTSIKA HANANA ANJARA AMIN'NY LOVAN'NY OLONA MASINA EO AMIN'NY MAZAVA. AMENA.

- **Hira : FFPM 117,1 (Ô ry Zanak'ondry) (Agnus Dei)**

Mpitarika:

EFA NANDRAY NY FANAHY MAHA-ZANAK'ANDRIAMANITRA ANTSIKA ISIKA, KOA IZANY NO HAHAFAHANTSIKA MANATONA NY RAY, HOE

Fiangonana: (Vavaka nampianarin'ny Tompo)

Fanasana

Mpitarika:

NY MOFO IZAY VAKIANTSIKA DIA FIRAISANA AMIN'NY TENAN'I JESO KRISTY TOMPONTSIKA.

NY KAPOAKY NY FISAORANA IZAY ISAORANTSIKA DIA FIRAISANA AMIN'NY RAN'I JESO KRISTY TOMPONTSIKA.

HOY NY TOMPO : ANDEHA, EFA VOAVOTRA AVOKOA NY ZAVATRA REHETRA !

- **Fandraisana : FFPM 262, 253**

- **Teny fampaherezana (mitsangana)**

Mpitarika: JESO KRISTY TOMPONTSIKA IZAY VOAHOMBO TAMIN'NY HAZO FIJALIANA KA NITSANGANATAMIN'NY MATY NO EFA NANOME ANAREO NY TENANY SY NY RANY IZAY NANAVOTANY ANAREO TAMIN'NY FAHOTANA REHETRA, IZY ANIE HAMPACHERY SY HIARO ANAREO AMIN'IZANY AMIN'NY FINOANA MARINA HO FAHASAMBARANA MANDRAKIZAY. HO AMINAREO ANIE NY FIADANANA !

Fiangonana : AMENA

- **Hira fisaorana : FFPM 32,1-2 «Misaotra Anao izahay!»**

- **RAKITRA**

- **Hira : FFPM 187 "Ny lanitra sokafinao! "**

- **Fanolorana ny rakitra**

- **Hira : ("Ry Tompon'ny harena ô ")**

- **Vavaka fisaorana sy fangatahana**

- **Hira : FFPM 338 " Arovy aho Tompo »**

HAFATRA SY TSODRANO

Mpitarika: HO AMINAREO ANIE NY TOMPO.

Fiangonana: ARY HO AMIN'NY FANAHINAO.

Mpitarika: Tsodrano

Fiangonana: ***AMENA ! AMENA ! AMENA ! HALELOIA !***

Mpitarika:

VONINAHITRA HO AN'ANDRIAMANITRA RAY SY ZANAKA ARY FANAHY MASINA IZAY HATRAMIN'NY TALOHA INDRINDRA KA HO MANDRAKIZAY. AMENA.MANDEHANA AMIN'NY FIADANANA, KA MANOMPOA NY TOMPO !

Fiangonana:

ISAORANA ANIE ANDRIAMANITRA !

- **Feon'orga firavana**

